

այն Դեմետրիոսի կոչեաց զնա անդրէն 'ի վիճակ իւր : Յետ 10 ամեայ մատենագրութեան՝ թղթով ընծայութեան եպիսկոպոսին իւրոյ առաքեցաւ յԱքայիա վասն եկեղեցական ինչ գործոց . յանցանել նորա 'ի Պաղեստին՝ ձեռնագրեցին զնա երէց Թէոկրեստոս եպիսկոպոս Կեսարու և Աղեքսանդրոս երուսաղէմի 43 ամաց (228) : Զայրացաւ Դեմետրիոս ընդ յափշտակութիւն իրաւանցն , և դնէր Որոգինեայ նախատինա յանցանօք մանկութեան , եւ յետ դարձի նորա յԱքայիայ ժողովով արդել 'ի վարդապետութենէ և մերժեաց յԱղեքսանդրիայ (231) : Եւ յետ մեկնելոյ Որոգինեայ 'ի Պաղեստին՝ դումարեաց Դեմետրիոս միւս ևս ժողով և հան զնա 'ի հաղորդութենէ եկեղեցւոյ և 'ի քահանայական պաշտամանց : Իսկ նա եղ զպրոց ուսման քրիստոնէութեան անդէն 'ի Կեսարիա . գային եւ ժողովին յամենայն կողմանց վարդապետք և եպիսկոպոսունք լսել զվարդապետութիւն նորա , և բազումք աշակերտեալ եղին արք երեւելիք : Ի ժամանակս հալածանաց մեկնեցաւ 'ի կոչն Փիրմիլիանայ 'ի Կեսարիա Գամրաց , ուր պարապէր ուղղել զԱղեքսանդրացի կամ զԵօթանասնից թարգմանութիւնն և յօրինեալ կարգէր զՎեց Օրինական , և տակաւին էր ընդ բանիւք , յայն սակս համարձակագոյնս յանդգնէին թշնամիքն 'ի վերայ նորա , որոյ վասն բազում անդամ տրտնջէ զանիրաւ գործոց հակառակորդաց իւրոց . և թէ աղաւաղեն և խանգարեն զգիրս նորա մուծանելով բանս սուտս յանձանց :

Առ Դեկեան հալածմամբն ըմբռնեցաւ և Որոգինէս և արկաւ 'ի բանտ և 'ի յանհնարին տանջանս . յետ հաստատուն խոստովանութեան՝ գրեաց 'ի բանտէ անտի առ եզրարոն թուղթս բազումս լի մխիթարութեամբ և քաղցրութեամբ : Թէպէտ և ազատեցաւ անտի , բայց մեռաւ յետ սակաւու 69 ամաց 'ի Տիւրոս (234) . թերեւս 'ի լլկանաց անտի զոր կրեաց :

Բարեկամք նորա ունէին զնա 'ի պատուի , և և փառաւորէին զըլուսաւոր միտան եւ զտոկուն ջան վաստակոց նորա՝ կոչելով զնա ադամանդեայ եւ պղնձի : Ամբաւ էին նորա մատենագրութիւնք . այնչափ գրեաց , որչափ յետոյ չկարացին ընթեռնուլ . եօթն նոտարք արագագիրք զմի-